



Evropska noć istraživača u Bosni i Hercegovini

Datum: 9.9.2026

Institucija:

Univerzitet u Sarajevu

Obala Kulina bana 7/II

71000 Sarajevo

Bosna i Hercegovina

PREDMET: Poziv za učešće u Evropskoj noći istraživača 2026 – NAUKA MEĐU NAMA

Poštovani,

Obraćamo Vam se ispred Udruženja Balkanfilm, Instituta za hidrotehniku i Europe House-a, u svojstvu organizatora Evropske noći istraživača, koja predstavlja panevropski događaj koji podržava Evropska unija. Dio je programa Horizon Europe, ključnog programa EU za finansiranje istraživanja i inovacija. Naše nastojanje je da kroz događaje u okviru Evropske noći istraživača promoviramo nauku, podstaknemo radoznalost i ohrabrimo mlade da se bave naukom. Naša saradnja omogućava stvaranje prostora gdje se nauka susreće s publikom, gradeći mostove između istraživača i zajednice. Kroz zajednički rad, težimo da nauku učinimo dostupnom svima, doprinoseći razvoju obrazovane i osviještene društvene zajednice.

S tim u vezi, dana 25. septembra 2025. godine je planirano održavanje događaja Evropske noći istraživača u Zemaljskom muzeju, Historijskom muzeju i na zelenoj površini između dva navedena muzeja od 17:00h do 22:00h.


Ovim putem vas sa zadovoljstvom pozivamo da se Univerzitet u Sarajevu, fakultetske jedinice, studenti, nastavno osoblje, istraživači i saradnici, aktivno uključe u Evropsku noć istraživača 2026 - NAUKATORIUM, koja će biti održana u petak, 25. septembra 2026. godine, u trinaest gradova Bosne i Hercegovine.

Evropska noć istraživača je panevropski događaj koji, uz podršku Evropske unije u okviru programa Horizon Europe, svake godine povezuje istraživače, mlade, obrazovne institucije i građane širom Evrope. Ovaj događaj predstavlja jedinstvenu priliku da nauka izađe iz laboratorija i akademskih prostora i približi se široj javnosti kroz interaktivne sadržaje, eksperimente, radionice, izložbe i razgovore.

U Sarajevu će centralni program biti realizovan na lokacijama Historijskog muzeja BiH, Zemaljskog muzeja BiH i Otvorene scene Vilsonovo, sa početkom u 17:00 sati.

Program događaja

- **17:00** - svečano otvaranje i kratko obraćanje predstavnika Evropske unije
- **17:30 - 20:00** - takmičenje srednjih škola ScienceFormers – nauka u rukama mladih



Evropska noć istraživača u Bosni i Hercegovini

- 17:30 – 21:00 - Sajam nauke i inovacija „Naukatorium“ i radionice „Discovery Lab: Young Minds Set Free“
- 21:30 - naučna zabava

Posebno želimo istaći da je učešće akademske zajednice od izuzetnog značaja za uspjeh ovog događaja. Univerzitet u Sarajevu svojim znanjem, istraživačkim potencijalom i mladim talentima može značajno doprinijeti stvaranju prostora u kojem se nauka ne samo predstavlja, već i doživljava, istražuje i dijeli sa građanima.

Pozivamo stoga studente, profesore, nastavnike, istraživače, doktorante i inovatore Univerziteta u Sarajevu da se uključe u Evropsku noć istraživača kroz:

- predstavljanje istraživačkih, naučnih i inovativnih projekata
- učešće na Sajmu nauke i inovacija „Naukatorium“
- organizaciju i realizaciju interaktivnih radionica
- predstavljanje zanimljivih naučnih tema i eksperimenata široj javnosti
- volontiranje i podršku u realizaciji događaja

Učešće predstavlja priliku da članovi akademske zajednice predstavljaju svoj rad građanima iz cijele Bosne i Hercegovine, razmijene iskustva sa drugim istraživačima i inovatorima, upoznaju mlade ljude zainteresovane za nauku te doprinesu popularizaciji nauke i jačanju kulture istraživanja u našem društvu.

Za učešće je potrebno popuniti prijavni obrazac i odabrati željeni oblik učešća.

Link za prijave: [Prijava – Evropska noć istraživača u Bosni i Hercegovini](#)

Rok za prijavu: 20. septembar 2026. godine.

Za dodatne informacije možete se obratiti putem e-mail adrese: nocistrazivacabih@gmail.com

Vjerujemo da će Univerzitet u Sarajevu prepoznati značaj ovog događaja i da će svojim aktivnim učešćem doprinijeti da Evropska noć istraživača 2026. bude prostor susreta znanja, ideja, inovacija i ljudi.

Radujemo se Vašem učešću i zajedničkom obilježavanju dana kada nauka izlazi među ljude – da zajedno istražujemo, pitamo i učimo.

S poštovanjem,


Lejla Čamo